



Broj: 06-14-1-3620-4/2023
Sarajevo, 09.11.2023. godine

SVI SUDOVI U BiH N/r predsjednika suda

Predmet: Upitnik CEPEJ-a/Evropske komisije za države iz regije Zapadni Balkan, traže se podaci za 2023. godinu

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH) predstavlja pravosudni sistem Bosne i Hercegovine u Evropskoj komisiji za efikasnost pravosuđa u okviru Vijeća Evrope (u daljem tekstu: CEPEJ).

Tokom 2018. godine Evropska komisija predložila je Vijeću Evrope, to jeste CEPEJ-u, provođenje aktivnosti koja će biti usmjerena na podršku u ostvarenju djelotvornog, sistematskog i na činjenicama utemeljenog donošenja zaključaka o provođenju pravosudnih reformi u regiji Zapadni Balkan (Albanija, Bosna i Hercegovina, Crna Gora, Sjeverna Makedonija, Srbija, Kosovo). Ova aktivnost se provodi kroz prikupljanje i obradu podataka o radu pravosudnog sistema u pomenutim državama regije Zapadni Balkan na jednogodišnjoj osnovi počevši od 2019. godine.

U 2019. godini potpisan je odgovarajući sporazum između Evropske komisije i CEPEJ-a i pripremljen je Upitnik CEPEJ-a/Evropske komisije za države iz regije Zapadni Balkan (u daljem tekstu: Upitnik). Navedena aktivnost je u direktnoj vezi sa Strategijom za regiju Zapadni Balkan za mjerenje učinka reformi pravosuđa. Pomenutom Strategijom se traži da se obezbijede kvantitativni i kvalitativni podaci o radu navedenih pravosudnih sistema, koji će omogućiti bolje mjerenje rezultata reformi podržanih od strane Evropske komisije.

Nastavno na navedeno, u toku je popunjavanje Upitnika kako bi se prikazalo stanje u pravosuđu za 2023. godinu radi pripreme Izvještaja CEPEJ-a za Evropsku komisiju, u toku 2024. godine.

S tim u vezi, potrebno je da sudovi dostave slijedeće informacije za 2023. godinu:

I. Broj lokacija na kojima sudovi vrše svoju funkciju (014-0-3. pitanje u Upitniku)

Potrebno je da dostavite VSTV BiH podatak prema uputstvima navedenim u **Tabeli 1. Lokacije** koju sudovi mogu preuzeti na Internet stranici <https://vstv.pravosudje.ba/vstvfo/B/141/article/123401>

II. Broj sudskih porotnika (22. pitanje u Upitniku)

Podaci se unose u **Tabelu 2. Porotnici** koju sudovi mogu preuzeti na prethodno navedenoj Internet stranici.

III. Vremenski okvir za donošenje odluke po zahtjevu za besplatnu pravnu pomoć (88-1. pitanje u Upitniku)

Pitanja:

*Koliko iznosi (u danima) prosječno trajanje procedure u okviru **krivičnog postupka** od podnošenja zahtjeva do donošenja sudske odluke o usvajanju, odbijanju ili odbacivanju zahtjeva za postavljanje branioca osumnjičenom, odnosno optuženom, zbog slabog imovinskog stanja?*

*Koliko iznosi (u danima) prosječno trajanje procedure u okviru **parničnog postupka** od podnošenja zahtjeva stranke do donošenja odluke suda o usvajanju, odbijanju ili odbacivanju zahtjeva stranke za oslobađanjem od plaćanja troškova postupka zbog općeg imovnog stanja?*

Podaci se unose u **Tabelu 3. Besplatna pravna pomoć** koju sudovi mogu preuzeti na prethodno navedenoj Internet stranici.

IV. Izuzeće/isključenje sudije (161. pitanje u Upitniku)

Potrebno je da dostavite VSTV BiH podatak o broju predmeta sa zahtjevima sudije/stranaka za isključenje/izuzeće sudije i broju predmeta u kojima je odlučeno po takvim zahtjevima. Molimo da u Tabeli 4. Izuzeća_isključenja sudija, za predmete suda, dostavite sljedeće podatke:

- Poslovni broj predmeta u kojem je u 2023. godini (zaključno sa 31.12.2023.) podnesen **zahtjev stranke** za izuzeće/isključenje sudije (Tabela 4.1a);
- Poslovni broj predmeta u kojem je u 2023. godini (zaključno sa 31.12.2023.) podnesen **zahtjev sudije** za izuzeće/isključenje sudije (Tabela 4.1b);
- Poslovni broj predmeta u kojem je u 2023. godini (zaključno sa 31.12.2023.) doneseno rješenje po **zahtjevu stranke** za izuzeće/isključenje sudije, bez obzira da li je zahtjev usvojen ili odbijen (Tabela 4.2a);
- Poslovni broj predmeta u kojem je u 2023. godini (zaključno sa 31.12.2023.) doneseno rješenje po **zahtjevu sudije** za izuzeće/isključenje sudije, bez obzira da li je zahtjev usvojen ili odbijen (Tabela 4.2b);
- Poslovni broj predmeta u kojem je u 2023. godini (zaključno sa 31.12.2023.) doneseno rješenje kojim se usvaja **zahtjev stranke** za izuzeće/isključenje sudije (Tabela 4.3a);
- Poslovni broj predmeta u kojem je u 2023. godini (zaključno sa 31.12.2023.) doneseno rješenje kojim se usvaja **zahtjev sudije** za izuzeće/isključenje sudije (Tabela 4.3b);
- Komentar – Potrebno je kopirati iz Tabele 4.1a i Tabele 4.3a poslovni broj predmeta u kojem je u 2023. godini (zaključno sa 31.12.2023.) podneseno više zahtjeva stranke za izuzeće/isključenje sudije, odnosno doneseno više rješenja kojim se usvaja zahtjev stranke za izuzeće/isključenje sudije (Tabela 4.4a);
- Komentar – Potrebno je kopirati iz Tabele 4.1b i Tabele 4.3b poslovni broj predmeta u kojem je u 2023. godini (zaključno sa 31.12.2023.) podneseno više zahtjeva sudije za izuzeće/isključenje sudije, odnosno doneseno više rješenja kojim se usvaja zahtjev sudije za izuzeće/isključenje sudije (Tabela 4.4b);
- Komentar - Potrebno je kopirati iz Tabele 4.1a i 4.1b i Tabele 4.3a i 4.3b poslovni broj predmeta u kojem je 31.12.2023. godine podnesen i zahtjev stranke i zahtjev sudije za izuzeće/isključenje sudije, odnosno doneseno više rješenja kojim se usvaju zahtjevi stranke i sudije za izuzeće/isključenje sudije (Tabela 4.5).

Napominjemo da raspoloživi podaci u Sistemu za upravljanje predmetima, koji su analizirani u saradnji sa IKT Odjelom Sekretarijata VSTV BiH, ne omogućavaju da se pripremi cjeloviti odgovor na navedeno pitanje, koje se smatra vrlo važnim u okviru upitnika CEPEJ-a. S tim u vezi, potrebno je da sudovi izvrše neposredni uvid u svoje predmete i utvrde tačan broj zahtjeva stranaka/sudije za izuzeće i rješenja po takvim zahtjevima. Posebno se napominje da je potrebno da sudovi prilikom unosa podataka u predmetnu tabelu uzmu u obzir sve razloge koji su u zakonima o krivičnom postupku

navedeni kao razlozi za izuzeće/isključenje sudije. Podaci se unose u **Tabelu 4. Izuzeća_isključenja sudija** koju sudovi mogu preuzeti na prethodno navedenoj Internet stranici.

V. Presignacija predmeta (185-1. pitanje u Upitniku)

Potrebno je da dostavite VSTV BiH podatak o broju presigniranih predmeta u 2023. godini. Podaci se unose u **Tabelu 5. Presignacija predmeta** koju sudovi mogu preuzeti na prethodno navedenoj Internet stranici.

Molimo da popunjene tabele dostavite VSTV BiH **najkasnije do 12.01.2024. godine**, putem pošte ili na slijedeću e-mail adresu: vstvpravosudnauprava@pravosudje.ba.

Dodatno, na navedenoj Internet adresi možete preuzeti i tabele sa zbirnim podacima (Tabela 6. Zbirni podaci CEPEJ 2022) koje su sudovi dostavili u okviru izvještavanja za 2022. godinu. Potrebno je u gore navedenom roku dostavite i pojašnjenja razloga za eventualna bitna odstupanja u podacima za 2023. godinu u odnosu na podatke dostavljene za 2022. godinu (+/-20% ili veća promjena vrijednosti).

Ukoliko su Vam potrebne dodatne informacije u vezi sa ovim upitom, molimo da nam se obratite na broj telefona: 033 707 538 ili 033 704 615.

S poštovanjem,

Dostaviti:

- Naslovu,
- a/a.

Predsjednik VSTV BiH
MP
Haili Lagumdžija

